

三田源太郎君墓誌銘

三田源太郎君者東京府北多摩郡福島村三田幸助氏長男也君明治二十七八年戰役以東京灣要塞砲兵編入臨時徒步砲兵聯隊第六中隊上陸於清国盛京省花園口于旅順于威海衛皆參加其戰鬪依功叙勲八等授瑞宝章其後明治三十七八年戰役君復以後備役出征上陸於清国柳樹屯編入野戰重砲兵第一彈藥縱列各地轉戰不幸明治三十八年九月罹病療養於大房身舍營病院二十三日遂死焉享年三十三官特賜金貳百四拾圓賞其功勞君性温厚篤実有遺孤一人弟與市君撫育甚勉今茲大正五年四月與市君方建君墓碑與石川金次郎君共來請文於予予元知金次郎君者乃記其梗概與銘曰

君為國死 遺孤一人 弟能撫育 君安其神

成隣尋常小学校校長 佐藤勝次撰

同 訓導 小室庄助書

大正五年四月七日